

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 25.07.2022թ. թիվ 2214891990 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 19 >> 08 2022թ. 7-13- 8664

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Կարեն Ալեքսանյանի ՄԴ/49199-22 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Կոտայքի մարզի Ակունք գյուղի 3-րդ փողոցի 26-րդ տան բնակիչ Կարեն Ալեքսանյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 25.07.2022թ. թիվ 2214891990 որոշումը՝ նշելով, որ նույն իրավախախտման համար ՀՀ ոստիկանության պարեկային ծառայության տեսուչի կողմից իր եղբոր նկատմամբ կայացվել է նաև 8180146129 որոշումը:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին 25.07.2022թ. թիվ 2214891990 որոշումը ենթակա է բեկանման՝ հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Նույն օրենքի 1-ին հոդվածի 2-րդ մասի համաձայն՝ սույն օրենքի գործողությունը չի տարածվում, երբ ճանապարհային երթևեկության կանոնի խախտումը հայտնաբերվել է ոստիկանության ծառայողի կողմից, և տրանսպորտային միջոցը օրենքով սահմանված կարգով կանգնեցվել է՝ անկախ խախտումը տեխնիկական միջոցով ամրագրված լինելու հանգամանքից:

Երթևեկության նկատմամբ հսկողություն իրականացնելու նպատակով տեղադրված տեխնիկական սարքերի միջոցով հայտնաբերվել և Ճանապարհային ոստիկանության վարչական տույժ նշանակելու մասին 25.07.2022թ. թիվ 2214891990 որոշմամբ ամրագրվել է <<TOYOTA>> մակնիշի 30AQ001 հաշվառման համարանիշի ավտոմոբիլի վարորդի կողմից 30.06.2022թ-ին ժամը 16:18-ին Երևան քաղաքի Արծվյան – Մոսկովյան փողոցների խաչմերուկի հատվածում

կանգառ կատարելու կանոնները խախտելու փաստը: Նույն փաստը նույն օրը ժամը 16:45-ի սահմաններում արձանագրվել է ՀՀ ոստիկանության պարեկային ծառայության Երևան քաղաքի գնդի պարեկի կողմից, որի 30.06.2022թ. կայացված 8180146129 որոշմամբ վարորդը ենթարկվել է վարչական պատասխանատվության 5000 ՀՀ դրամի չափով:


Այսպիսով, ակնհայտ է, որ Ճանապարհային ոստիկանության վարչական տույժ նշանակելու մասին 25.07.2022թ. թիվ 2214891990 և Պարեկային ծառայության վարչական իրավախախտման վերաբերյալ գործով 30.06.2022թ. կայացված 8180146129 որոշումներով վարչական պատասխանատվության են ենթարկվել միևնույն արարքի համար, ուստի Ճանապարհային ոստիկանության վարչական տույժ նշանակելու մասին 25.07.2022թ. թիվ 2214891990 որոշումը ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 8-րդ կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 25.07.2022թ. թիվ 2214891990 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Կարեն Ալեքսանյանին:

Կատարող՝ Ա.Միրզոյան
Հեռ.060838402


Ե.Կարապետյան